

75  
42



楊  
隨  
李  
唐  
先  
世  
系  
統  
考

# 楊隋李唐先世系統考

王 桐 齡



王桐齡敬贈

國立北平圖書館惠存

女 師 大

學 術 季 刊

第 二 卷 單 行 本

MG  
K820.9  
6


# 楊隋李唐先世系統考

王 桐 齡

女師大學術季刊第一卷第四期登載劉盼遂先生論文一篇，列舉證據七條，推定李唐爲蕃姓。鄙意楊隋李唐俱非純粹漢族，正史中尙有其他證據，茲特引而伸之，列舉於左，以爲劉先生論文補遺。

一、隋唐先世家於武川，其地爲匈奴，鮮卑人雜居地也。周書卷十九楊忠傳，隋書卷一高祖本紀皆言隋室之先家於武川；唐書卷一高祖本紀，新唐書卷一高祖本紀亦言唐室之先家於武川。武川爲後魏北邊六鎮之一，在今綏遠東部。秦漢以先屬匈奴，蒙恬，衛青兩次收復之，始隸中國。東漢爲南匈奴雜居地，三國，兩晉以來爲匈奴遺民與鮮卑雜居地，後魏始建代國，盛樂爲其發祥地。（即今綏遠省城歸綏縣之歸化城）武川爲畿內重鎮，其地人民多拓跋氏舊部，由漠北徙龍南下者。西魏佐命宇文泰，賀拔勝，獨孤信，侯莫陳崇，若千惠，賀蘭靜，宇文弼等皆此地英雄，與楊忠，李虎爲同僚。（看周書文帝本紀及賀拔勝等各人本傳）忠，虎，先世皆家於武川，或者即拓跋氏雲沛子弟之後？未可知也。

二、隋室自謂系出弘農，唐室自謂系出隴西，其證據不充分也。

周書楊忠傳曰：「楊忠，弘農華陰人也。……高祖元壽，魏爲武川鎮司馬，因家……焉」  
  
隋書高祖本紀曰：「高祖文皇帝……弘農郡華陰人也。漢太尉震八代孫鉉，仕燕爲北平太守，鉉生元壽，後



魏代爲武川鎮司馬子孫因家焉。」

舊唐書高祖本紀曰：「高祖神堯……皇帝……其先隴西狄道人，涼武昭王高祖七代孫也。高祖生欽，欽生重耳，仕魏爲弘農太守。重耳生熙，爲金門鎮將，領家徙鎮武川，因家焉。」

新唐書高祖本紀亦曰：「高祖神堯……皇帝……隴西成紀人也。其七世祖昂，當晉末據秦涼以自王，是爲涼武昭王。昂生欽，……欽生重耳，魏弘農太守。重耳生熙，金門鎮將，成於武川，因留家焉。」

玩其文義似乎隋之先世本弘農人，因官於武川，故留居武川；唐之先世本隴西人，因戍於武川，故留居武川耳。實則隨宇文泰起兵之豪傑，其原籍武川者，其先世皆係拓跋氏本部之鮮卑人，即宇文泰本身爲武川人，其先世亦鮮卑人也。

周書卷一文帝本紀曰：「太祖文皇帝姓宇文氏，諱泰，……代武川人也。其先……遷居朔野，有葛烏菟者，雄武多算略，鮮卑慕之，奉以爲主，世爲大人。其後曰普回，因狩得玉璽三紐，……因號宇文國，並以爲氏焉。普回子莫那自陰山南徙，始居遼西。九世至侯豆歸，爲慕容所滅。其子陵仕燕，……魏道武將攻中山，陵從慕容寶禦之，寶敗，陵……歸魏，拜邵牧主，賜爵安定侯。天興初，徙豪傑於代郡，陵隨例遷武川焉。」

周書卷十四賀拔勝傳曰：「賀拔勝字破胡，其先與魏氏同出陰山。有如同者，魏初爲大莫弗。祖爾頭驍勇絕倫，以良家子鎮武川，因家焉。」

卷十六獨孤信傳曰：「獨孤信，雲中人也，本名如願。」

魏氏之初有三十六部，其先伏留屯者，爲部落大人，與魏俱起。祖俟尼，和平中，以良家子自雲中鎮武川，因家焉。」

同卷侯莫陳崇傳曰：「侯莫陳崇字尙樂，代郡武川人。其先魏之別部，居庫斛真水。五世祖曰太骨都侯。其後，世爲渠帥。祖允以良家子鎮武川，因家焉。」

卷十七若干惠傳曰：「若干惠字惠保，代郡武川人也。其先與魏氏俱起，以國爲姓。」

卷二十賀蘭祥傳曰：「賀蘭祥字盛樂，其先與魏俱起，有芟伏者，爲賀蘭莫何弗，因以爲氏。其後有以良家子鎮武川者，因家焉。」

凡此諸人，其先皆鮮卑各部酋長，隨拓跋氏南遷而家於武川者。其與隋唐家世稍異者，不過隋唐君主皆自己承認其先世爲中國人，彼等則自己承認其先世爲鮮卑人耳。然一攷隋唐本姓，知隋唐先世亦未必即中國人也。

三、隋室之先賜姓普六茹，唐室之先賜姓大野。楊李二字或者非本姓也。

周書楊忠傳言：「魏恭帝初，忠以功賜姓普六茹氏；隋書高祖本紀亦言：「皇考從周太祖起義關西，賜姓普六茹氏。」

新舊唐書高祖本紀皆言：皇祖虎，西魏時以功參佐命，賜姓大野氏。

玩其文義，似乎忠本漢族，姓楊，普六茹乃賜姓；虎本漢族，姓李，大野氏乃賜姓。實則魏自孝文帝太和二十年正月，下詔皇室改姓元氏，諸功臣舊族自代來者，姓或重複，皆改之；於是拓跋氏舊臣民皆改爲漢姓。（資治通鑑綱目卷二十八）西魏文帝大統十

五年五月，詔代人復其舊姓。恭帝元年，皇室復姓拓跋氏。（看綱目卷三十三）是時宇文泰當國，李虎、楊忠皆西魏功臣，虎爲八柱國之一，忠爲十二大將軍之一。（看周書卷八侯莫陳崇傳）然則所謂賜姓普六茹氏，賜姓大野氏者，律以代人復舊姓之例，似即復姓，非賜姓。

隋書高祖本紀曰：「武帝聘高祖長女爲皇太子妃，益加禮重。齊王憲言於帝曰：『普六茹堅相貌非常，臣每見之不覺自失。恐非人下，請早除之。』……內史王軌言於帝曰：『皇太子非社稷主，普六茹堅貌有反相。』

舊唐書高祖本紀曰：「高祖諱虎……周受禪，追封唐國公……至隋文帝作相，還復本姓。」

新唐書高祖本紀亦曰：「隋文帝相周，復高祖姓李氏。」

據此推測，知周室末年，隋文帝尙姓普六茹，至將篡時始改姓楊；唐高祖之父李昞仍姓大野，亦至隋文帝將篡時始改姓李氏耳。顧史書不稱爲改姓而稱爲復姓者，意者隋室既自認爲漢太尉震之後，唐室既自認爲漢前將軍廣之後，史臣有所避忌，不敢明言，故爲此恍惚迷離之說，以存其真相，未可知也。

四、隋室與漢太尉震血統關係，唐室與涼武昭王及漢前將軍廣之血統關係，中間尙欠明瞭也。

隋書高祖本紀曰：「高祖文皇帝姓楊氏，諱堅，……

漢太尉震八代孫鉉仕燕爲北平太守，鉉生元壽，……

元壽生太原太守惠暉，暉生平原太守烈，烈生寧遠將軍績，

績生忠，忠即皇考也。

按以上所載觀察，知由鉉至文帝，中間系統明瞭；由鉉上溯震，只言八代，既無名字，更無事蹟，則鉉是否爲震苗裔，殊有研究餘地。

也。

新舊唐書高祖本紀皆言唐爲涼武昭王嵩之後，嵩生歆，歆生重耳，重耳生熙，熙生天賜，仕魏爲幢主。天賜生虎，後魏左僕射，封隨西郡公。與宇文泰、李弼等同爲西魏佐命，稱爲八柱國。虎生晒，周安州總管，柱國大將軍，襲封唐國公。晒生溫，是爲高祖。似乎武昭王與高祖之血統關係極爲明瞭確鑿。然據魏書研究，知西涼亡後，嵩之孫寶入魏，封燧煌公，仕至鎮北將軍，懷荒鎮大將。子孫世其業，爲魏世臣，閭閻之盛在北朝當首屈一指。魏書卷三十九李寶傳中具載李氏名臣，備極褒崇，而獨不及李虎，似乎未嘗承認李虎爲武昭王裔孫。然猶可曰北齊與北周世仇，北齊人魏收所撰之書，不載西魏佐命大臣，未嘗不近情理。然李寶傳中有名晒者，爲寶之曾孫，龍驤將軍、滎陽太守、姑臧侯承之孫，驃騎大將軍、開府儀同三司、高平男虔之子，爲高陽王雍太尉錄事參軍，死河陰之難，與唐書高祖本紀所載皇考隋安州總管柱國大將軍唐仁公同名。仁公爲嵩六代孫，參軍爲嵩五代孫，族子與族父同名，繩以南北朝時避家諱之慣例，似乎無此情理。李虎、李晒在魏書、周書、隋書、北史皆無傳，僅附見於唐書高祖本紀及同時其他各名人傳中，是否爲武昭王子孫，似乎尙有研究餘地。至於武昭王家世，據魏書卷九十九李弼傳，謂嵩爲漢前將軍廣之後，晉書卷八十七涼武昭王傳，謂嵩爲廣十六世孫。魏書爲北齊魏收所撰，脫稿在先，只知嵩爲廣後，而未詳其世次。晉書爲唐太宗御撰，脫稿在後，知廣與嵩中間之世次，而未載其人名與事蹟。竊意魏書所載當係根據當時傳聞，晉書所載多少加以人工點綴，然則武昭王與李將軍廣之血統關係，亦似乎尙有研究餘地也。

五、隋唐皇室女系血統確爲鮮卑人也。

周書卷十六獨孤信傳曰：「信第四女，元貞皇后，第七女，隋文獻后。」

隋書卷三十六文獻獨孤皇后傳曰：「文獻獨孤皇后，……周大司馬河內公信之女也。」

卷四十五文四子傳曰：「高祖五男，皆文獻皇后之所生也。長曰房陵王勇，次楊帝，次秦孝王俊，次庶人秀，次庶人諒。」

舊唐書高祖本紀曰：「高祖以周天和元年生於長安。七歲，襲唐國公。……文帝獨孤皇后，即高祖從母也；由是特見親愛。」

新唐書高祖本紀曰：「仁公生高祖於長安，……襲封唐公。隋文帝獨孤皇后，高祖之從母也；以故文帝與高祖相親愛。」

據以上各條觀察，知獨孤信第四女適唐仁公李昞，生高祖淵，後追尊為元貞皇后；第七女適隋文帝堅，生太子勇、楊帝廣、秦王俊、王秀，漢王諒諡曰文獻皇后。獨孤信先世為魏初三十六部大人之一，係拓跋氏，嫡系鮮卑人，然則隋楊帝、唐高祖皆鮮卑婦人所生，實混血兒也。

周書卷三十竇熾傳曰：「熾兄子毅……尚太祖第五女襄陽公主。毅第二女，即唐太穆皇后。」

舊唐書卷五十一后妃傳上曰：「高祖太穆皇后竇氏……隋定州總管神武公毅之女也。后母，周武帝姊襄陽長公主。」

新唐書卷七十六后妃傳上曰：「高祖太穆皇后竇氏，父毅在周為上柱國，尚武帝姊襄陽長公主。入隋為定州



總管神武公。

同卷七十六高祖諸子列傳曰：「高祖二十二子：竇皇后生成，太宗皇帝，玄囂，元吉。」

舊唐書卷六十四高祖二十二子傳曰：「高祖二十二男：太穆皇后生隱太子建成及太宗衛王玄囂，巢王元吉。」  
按以上各條觀察知高祖竇皇后爲周文帝宇文泰女外孫，亦鮮卑婦人所生。竇后生太子建成，太宗世民，齊王元吉。太宗父母皆鮮卑婦人所生，則太宗亦混血兒也。

舊唐書后妃傳上曰：「太宗文德順聖皇后長孫氏，……隋右驍衛將軍晟之女也。晟妻隋揚州刺史高敬德女，生后。」

新唐書后妃傳上曰：「太宗文德順聖皇后長孫氏，……其先魏拓跋氏，後爲宗室長，因號長孫。」

隋書卷五十五高祖傳曰：「高祖字敬德，渤海靺鞨人也。齊太尉清河王岳之子。」

北齊書卷十三清河王岳傳曰：「清河王岳……高祖從父弟也。」

舊唐書卷七十六太宗諸子傳曰：「太宗十四子：文德皇后生高宗大帝，恒山王承乾，濮王泰。」

新唐書卷八十太宗諸子傳曰：「太宗十四子：文德皇后生承乾，又生第四子泰，高宗皇帝。」

按以上各條觀察知太宗長孫皇后爲後魏宗室長孫晟女，其母高氏爲北齊清河王岳女孫，裴清河王勣女，父系母系皆鮮卑人。長孫皇后生太子承乾，魏王泰，高宗治。高宗之父太宗爲混血兒，母長孫皇后爲鮮卑婦人，則高宗本身承襲鮮卑血統者約四分之

三、承襲漢族血統者僅四分之一也。（附表一）

六、隋室、唐室之家族關係，常與儒教道德倫理抵觸，而與西北民族風俗習慣暗合也。

史記匈奴傳曰：「父死，妻其後母；兄弟死，皆取其妻妾之。」（漢書匈奴傳同）

漢書卷九十六西域傳曰：「烏孫國……與匈奴同俗。武帝即位，烏孫使使獻馬，願得尚漢公主為昆弟。……元封中，遣江都王建女細君為公主以妻焉，……昆莫以為右夫人。……昆莫年老，語言不通，……欲使其孫岑陁尚公主，公主不聽，上書言狀。天子報曰：『從其國俗。』……岑陁遂妻公主。」

後漢書卷九十烏桓鮮卑傳曰：「烏桓者本東胡也。其性悍塞，怒則殺父兄。……其俗妻後母，殺寡嫂。」

又曰：「鮮卑者亦東胡之支也。……其言語習俗與烏桓同。」

同卷八十七西羌傳曰：「其俗……父沒則妻後母，兄亡則納釐嫂，故國無饑寡。」

三國志魏志卷三十東夷傳曰：「夫餘在長城之北，去玄菟千里。……兄死妻嫂，與匈奴同俗。」

晉書卷九十七西戎傳曰：「吐谷渾……父卒妻其羣姑，兄亡妻其諸嫂。」

周書卷五十突厥傳曰：「父、伯、叔死，子弟及姪等妻其後母，世叔母及嫂，唯尊者不得下淫。」

隋書卷八十四突厥傳曰：「父兄死，子弟妻其羣母及嫂。」

據以上各條觀察，知父死妻母，兄死妻嫂，爲西北民族之公共習慣。蒙族之匈奴，滿族之扶餘，滿蒙混血族之烏桓，鮮卑，同族之烏孫，突厥，藏族之西羌無不皆然。號稱爲例外者，獨有奉行儒教之東亞各國而已。中國爲儒教發祥地，家族道德倫理之觀念最重。亂倫之事，雖殘忍暴虐如桀，紂，幽，厲，齊湣侯，齊東昏侯，陳後主，亦有所避忌而不敢爲。其敢公然犯天下之大不韙者，只有鮮卑民族出身之北齊文宣帝高洋，武成帝高湛等數人而已。漢族出身之皇帝，惟隋楊帝，唐太宗，高宗爲例外：

史稱隋文帝晚年不克令終，係楊帝使私人張衡行大逆。文帝崩後，楊帝烝於文帝後宮宣華夫人陳氏，容華夫人蔡氏，宮庭之間有慚德焉。（看隋書卷三十六后妃傳）

唐太宗殺其弟齊王元吉，而納其妃楊氏，有龍生，曹王明。長孫皇后崩，帝欲立楊氏爲后，納魏徵諫，乃止。後以明繼元吉後。（看唐書卷八十太宗諸子傳）

唐江王瑗者魏隴西襄公虎之曾孫，周朔州總管蔚之孫，隋柱國哲之子，高祖之族子，太宗之族兄弟也。太子建成死後，瑒以平素黨於建成，懼罪，謀反，伏誅，有寵姬沒入宮，侍帝。帝以示王珪，納珪諫，乃出之。（看新唐書卷七十八宗室列傳，資治通鑑綱目卷三十九貞觀二年十一月以王珪爲侍中條。）

太宗崩，高宗即位，以太宗才人武氏爲昭儀。旋納武氏，廢皇后王氏，淑妃蕭氏爲庶人而殺之，立武氏爲皇后。宰相長孫無忌，褚遂良等皆以反對廢立被害。（看新唐書卷七十六后妃傳上）

隋楊帝驕暴之主，無論矣。唐太宗，英主高宗，仁君，何爲出此？意

者隋唐皇室或係北方民族出身，其先天上之遺傳與後天上之習慣皆不以佩倫爲非，故有此種矛盾舉動也。

七、隋唐皇室好與外族通婚姻也。漢族富於自尊心，不好與外族通婚。除去西漢高帝對於匈奴冒頓單于，武帝對於烏孫昆莫，曾因不得已之原因，與之和親外，歷代漢族出身之皇室皆無此例也！獨隋唐兩朝爲例外。隋室宮中：若文獻皇后獨孤氏，太子勇妃元氏，蜀王秀妃長孫氏，漢王諒妃豆盧氏；（附表二）唐室宮中：若文德皇后長孫氏，貞懿皇后獨孤氏，高祖昭儀字文氏，晉鮮卑人；繼王承業妃毗伽公主，則回紇人也。（附表三）隋室公主下嫁外族者有皇妹，皇女，宗室女；其所嫁之驛馬有鮮卑人，有突厥人；有前代歸化人有外國君主。（附表四）唐室公主下嫁外族者有皇女，皇妹，親王女，宗室女，皇室甥女，宗室甥女；其所嫁之驛馬有鮮卑人，有突厥人，有奚人有契丹人，有吐蕃人，有南詔人；有前代歸化人，有本身歸化人，有外國君主，有外國親王，有外國大臣。（附表五，六，七）其所以不以「非我族類」爲嫌者，由側面觀察知隋，唐皇室或者亦係北方民族之一，故絕無種族見解存於胸中也。

八、唐室好以國姓賜與外族也。歷代國姓最重，絕不輕易授人；漢初婁敬賜姓劉，宋初李繼遷賜姓名趙保吉，北宋末李良嗣賜姓趙，明末鄭成功賜姓朱，蓋歷史上僅見而已。獨唐代國姓隨意授人，絕無種族界限。其賜國姓者有靺鞨人，有契丹人，有奚人，有鐵勒人，有回紇人，有突厥人，有沙陀人，有黨項人，有安息人；有本身歸化人，有前代歸化人；有唐室大臣，有外國君主，有外國親王，有外國酋長；輕千差萬別之致。唐室所以隨意以國姓授與外族者，由側面觀察知唐室國姓亦得自僞來，故用推己及人方法，而公諸同類也。（附表八）

吾友李貽燕，福建閩侯人也。少年在家鄉時，曾見南宋宰相李忠定公時代所修之李氏家譜。自西漢前將軍廣至南宋忠定公綱，歷代李氏名人皆載其內，唐代之文士李太白，李陽冰等亦俱列入，獨闕有唐皇室及皇族。李忠定公卒於宋高宗紹興十年，（西歷紀元一一四〇年）上距李將軍廣沒世之歲（漢武帝元狩四年，西歷紀元前一一九年。）已一千二百五十九年，距唐亡之歲（昭宣帝天祐四年，西歷紀元九〇七年。）僅二百三十三年耳。此表係忠定公在世時所修，至晚當在西歷一千一百四十年以前脫稿。忠定公非排唐者，所載當有根據，最切近之根據當為忠定公先人所保存之李氏家譜。既有此赫赫光榮之三百年一統天子本家，豈有不列入之理，然則唐室與李將軍廣不發生血統關係，在李忠定公時固早已確定矣。李忠定公為有宋一代名臣，道德，學問，功業，文章俱足千古，非肯消極說假話者。公修家譜時既不敢高舉唐室作本家，我輩二十世紀之後生小子，自不便專信官書一面之辭，而代李將軍廣妄認子孫，並代李忠定公妄認聯宗也。

（二十年三月十七日脫稿）



附表一 據北史獨孤信傳，北周書楊忠傳，獨孤信傳，隋書文帝本紀，文獻獨孤皇后傳，長孫覽傳，舊唐書高祖本紀，太穆皇后竇氏傳，文德皇后長孫氏傳，高士廉傳，長孫無忌傳，高祖二十子傳，太子諸子傳。

周柱國大司空隋桓公楊忠——隋文帝堅

隋文獻皇后  
唐元貞皇后

唐高祖淵

安州總管  
唐仁公 晒

隋定州總管  
神武肅公  
竇毅

唐太穆皇后

魏太師大冢宰安定文公宇文泰——

襄陽長公主  
周武帝

渤海人齊神武從帝  
北齊侍中太尉清河昭武王

隋涿州刺史勣

唐右僕射申士廉

1

隋將軍長孫晟

唐文德皇后  
唐太尉無忌  
趙公

隱太子建成

衛懷王玄霸

梁刺王元吉

太宗世民

---

---

T

---

—

---

書文德皇

太尉

趙公

הא

## 隋 室 外 族 女 子 入 宮 表

附 表 二

諡號及姓氏	原籍及父兄	宮中原 來位置	所生子女	何族	見 於 何 書
文 獻 皇 后 氏	諱伽羅雲中 人周太保大 宗伯衛國公 信第七女	文帝皇 后	房陵王勇，楊 帝廣，秦孝王 俊，庶人秀， 庶人諒。	鮮卑	北史后妃傳下 隋書后妃傳
房 陵 王 氏 妃 元	洛陽人柱國 涇州刺史洵 陽公孝矩女	太子勇 妃	無	同	隋書房陵王勇 傳元孝矩傳
國 王 孫 氏 長 孫 妃	洛陽人上柱 國涇州刺史 薛國公覽女	國王秀妃		同	隋書長孫覽傳
漢 王 氏 豆 盧 妃	本姓慕容氏昌 黎徒河人上柱 國夏州總管楚 國公勣女	漢王諒妃		同	隋書豆盧勣傳



## 唐室外族女子入宮表

附表三

諡號及姓氏	原籍及父兄	宮中原來位置	所生子女	逝去年	何族	見於何書
文德皇后長孫氏	隋左驍衛將軍晟女	太宗皇后	廢太子乾，漢王泰，高宗治	太宗貞觀十年六月崩	鮮卑	唐書后妃傳上太宗諸子傳
貞懿皇后獨孤氏	左威衛錄事參軍顯女	代宗貴妃	韓王昶，華陽公主。	代宗大曆十年薨	同	唐書后妃傳下
宇文昭儀	中書令蜀國公士及妹	高祖妾	韓王元嘉，魯王靈夔。	未詳	同	唐書高祖諸子傳宇文士及傳
毗伽公主	回紇葛勒可汗磨延駿可敦妹，為葛勒可敦女	熾德郡王承案妃			突厥	唐書回紇傳上

## 隋 室 公 主 下 嫁 外 族 表

附 表 四

封 號	父或兄弟	下嫁何人	家 世	何族	見於何書
昌樂長公主	文帝妹	豆盧通	本姓慕容，燕北地王精之後，後周大司寇楚國公寧之子，上柱國夏州總管勳之兄，仕至洪州總管，封南陳郡公。	鮮卑	隋書豆盧通傳
廣平公主	文帝女	宇文靜禮	上柱國涼州總管汝南郡公慶之子，仕至熊州刺史，封安德縣公。	同	隋書宇文慶傳
光化公主	宗室女	慕容伏	吐谷渾可汗	同	隋書吐谷渾傳
同	同	慕容伏允	吐谷渾可汗○伏弟○	同	同
安義公主	同	阿史那 干	突厥啟民可汗○沙鉢略可汗之子○	突厥	隋書突厥傳
義成公主	同	同	同。	同	同
信義公主		阿史那 達 漫	西突厥處羅可汗○泥利可汗之子，其母向氏本中國人也○	同	隋書西突厥傳
南陽公主	煬帝長女	宇文士及	右衛大將軍通子，竊賊化及之弟○	鮮卑	隋書列女傳宇文文化及傳
華容公主	宗室女	麹伯雅	原籍金城榆中，本漢族，世為高昌王○	漢	北史西域傳

## 唐室公主下嫁外族表

附表五

封 號	何帝女	下嫁何人	家	世	何時 歸化	何部 人	見於何書
長沙公主	高祖女	豆盧懷讓	隋相州刺史通之孫，禮部尚書左衛大將軍芮國公寬之子，武后宰相欽望諸父。	後魏	鮮卑	唐書豆盧欽望傳公主傳	
房陵公主	同	賀蘭僧伽	魏通志氏族賂，賀蘭氏魏孝文帝時改賀氏。	同	同	唐書公主傳	
九江公主	同	執失思力	突厥酋長，降唐授左領軍將軍。	唐初	突厥	同	
衡陽公主	同	阿失那社爾	西突厥處羅可汗次子，降唐授右衛大將軍。	隋	同	同	
長樂公主	太宗女	長孫冲	太尉趙公無忌子，仕至秘書監。無忌得罪流嶺南而卒。	後魏	鮮卑	唐書長孫無忌傳公主傳	
東陽公主	同	高履行	侍中右僕射申公士廉子。	同	同	唐書高儉得公主傳	
安康公主	同	獨孤湛		同	同	唐書公主傳	
新興公主	同	長孫曠		同	同	同	
新城公主	同	長孫詮	陳州刺史權子，無忌從子，無忌得罪，流雋州被害。	同	同	唐書長孫無忌傳公主傳	
衡國公主	玄宗女	豆盧建		同	同	唐書公主傳	
貞陽公主	同	源 清		同	同	同	
信成公主	同	獨孤明		同	同	同	
宿國公主	肅宗女	豆盧湛		同	同	同	
寧國公主	同	回紇英武威遠可汗	名磨延曷，懷仁可汗子。	獨立國	突厥	同	

義章公主	德宗女	張茂宗	義武節度使孝忠次子。	肅宗時	奚	同
咸安公主	同	回紇武義成功可汗	名頡莫賀，登里可汗從父兄，後改封長壽天親毗伽可汗。	獨立國	突厥	唐書公主傳回鶻傳上
襄陽公主	順宗女	張克禮	義武節度使孝忠孫，茂昭子。	肅宗時	奚	唐書公主傳張孝忠傳
魏國公主	同	王承系	成德節度使武俊孫，士真子，承宗弟。	同	契丹	唐書公主傳王武俊傳
普寧公主	憲宗女	于季友	山南東道節度使頡子	後魏	鮮卑	唐書公主傳于頡傳
太和公主	同	回鶻崇德可汗	保義可汗子，姓跌跌氏。	獨立國	突厥	唐書公主傳回鶻傳下
廣德公主	宣宗女	于 琮	周太師諱之後，爲右僕射，死黃巢之難，公主同殉國。	後魏	鮮卑	唐書公主傳于志寧傳

## 唐室宗女下嫁外族表

## 附 表 六

封 號	其父何人	下 嫁 何 人	家 世	何時下嫁 歸化	何部族	見於何書
未詳	未詳	宇文士及	隋右衛大將軍述子，本姓破野頭。	高祖時	鮮卑	唐書宇文士及傳
臨洮縣主	同	契苾何力	鐵勒哥論易勿施莫賀可汗之孫，莫賀咄特勤之子。	唐初	突厥	唐書契苾何力傳
壽安公主	降王 唐	王元達	回紇阿布思之族，成德節度使王廷湊子，養父職。	唐中葉	同	唐書王廷湊傳
榮義郡主	未詳	安慶宗	范陽節度使祿山子，為太僕卿。	玄宗時	胡	唐書安祿山傳
定襄縣主	未詳	阿史那忠	本名泥孰，突厥啟民可汗弟蘇尼失子。	太宗時	突厥	唐書阿史那忠傳 突厥傳上
金山公主	宋王 成器	突厥可汗默啜	頡利可汗族，骨咄祿之弟。	睿宗時	同	唐書突厥傳上
南和縣主	蜀王	楊我支特勤	默啜子	玄宗時	同	同
文成公主	未詳	棄宗弄讚	吐蕃贊普，論贊素之子。	太宗貞觀十五年	西藏	唐書吐蕃傳上
金城公主	肅王 守禮	棄隸隨贊	同，棄宗弄讚玄孫器弩悉弄之子。	中宗景龍三年	同	同
少寧國公	榮王 琬	英武可汗唐延瑒 英義可汗移地健	同紇君主。唐延瑒，懷仁可汗子；移地健，英武次子也。	肅宗時與 寧國公主為媿	突厥	唐書回鶻傳上
弘化公主	未詳	河源郡王諾曷鉢	吐谷渾可汗。伏允孫，西平郡王順之子。	太宗貞觀十三年	鮮卑	唐書西域傳上
金城縣主	同	蘇度模末	諾曷鉢長子	高宗初	同	同
金明縣主	同	圖盧模末	諾曷鉢次子	未詳	同	同
安化長主	同	南詔聖明文武帝法	景莊帝會龍子，襲王，僭偽號。	僖宗時	苗	唐書南蠻傳中

## 唐 氏 甥 女 下 嫁 外 族 表

附 表 七

姓名及封號	家 世	下嫁何人	家 世	何時下嫁	何部部	見於何書
未 詳	瓊邪公主外孫	祿 東 贊	吐蕃宰相	太宗貞觀十五年	西 藏	唐書吐蕃傳上
永樂公主楊氏	東平王外孫，楊元嗣女。	松漠郡王失活	契丹酋長從父弟。	玄宗開元四年	滿 蒙 混 血	唐書契丹傳
同	同	松漠郡王婆固	同，失活弟。	同五年	同	同
燕郡公主慕容氏	宗室所出	松漠郡王鬱干	同，婆固從父弟。	五年以後	同	同
同	同	遼陽郡王吐干	同，鬱干弟。	同	同	同
東華公主陳氏	同	廣化郡王邵固	同，縋忠弟。	同	同	同
靜樂公主獨孤氏	同	崇順王懷秀	同	天寶四載	同	同
固安公主辛氏	同	饒樂郡王李大酺	奚酋長	開元二年	同	唐書奚傳
東光公主韋氏	中宗外孫，成安公主女。	饒樂郡王魯蘇	同，大酺弟。	開元間	同	同
宜芳公主楊氏	宗室出女	懷信王延寵	同，李詩子。	同	同	同

## 唐 代 外 族 賜 姓 表

附 表 八

姓 名	字	家	世	本姓	何時 歸化	官	爵	何族	見於何書
李突地稽		赫 羅 會 長	本詳	隋末 唐初		潯州總管者國公 右衛將軍		滿洲	唐書李 謹行傳
李謹行		突 地 稽 子	同			營州都督兼石道 經略大使燕國公		同	同
李多祚		北先 <sup>鮮</sup> 會長， 號黃頭都督。	同	未詳		右羽林大將軍遼 陽郡王		同	唐書本傳
李楷洛		契 丹 會 長	大賀	武后 時		左羽林大將軍薊 郡公		滿蒙 混血	唐書李 光弼傳
李光弼		楷 洛 子	同			太尉侍中兵馬副 元帥臨淮郡王		同	同
李 榮		光 弼 子	同			涇原節度使		同	同
李光進	太應	光 弼 弟	同			渭北鄆寧節度使 武威郡王		同	同
李元諒		安息人，少爲宦官 駱奉先養子，冒姓 駱，名元光。	安	未詳		隴右節度使武威 郡王		阿利 安	唐書本傳
李光進		鐵勒阿跌部會長， 世襲鵝田州刺史。	阿跌	唐初		靈武節度使		突厥	同
李光顏	光遠	光 進 弟	同	同		司徒侍中河東節 度使		同	唐書李 光進傳
李寶臣	爲輔	范陽內廩奚，爲 張道高養子，冒 姓張，名忠志。	未詳	未詳		成德節度使		滿蒙 混血	唐書藩 鎮傳
李惟岳		寶 臣 子				寶臣卒，自稱留 後以拒命，爲部 將王武俊所殺。		同	附載李寶 臣傳
李惟簡		惟 岳 弟				鳳翔節度使武安 郡王		同	同
李茂勳		同 <sup>部</sup> 阿不思之裔， 以功賜姓名。		開元 初		盧龍節度使		突厥	唐書藩 鎮傳

李可舉	茂 勁 子			同	同	同，附載 李茂勁傳
李思摩	突厥頡利可汗族 人，父曰咄六設 。	阿史那	唐初	右武衛將軍	同	唐書突 厥傳上
李思忠	回鶻王子，本名 啜沒斯。	藥羅葛	武宗 時	左監門衛上將軍 懷化郡王	同	唐書回 鶻傳下
李思貞	回鶻特勤，本名 阿臘支。	同	同	左威衛大將軍寧 邊郡公	同	同
李思義	同，本名習勿吸。	同	同	同，昌化郡公	同	同
李思徽	同，本名烏羅思。	同	同	同，寧朔郡公	同	同
李弘順	回鶻大會，本名 愛邪勿。	同	同	右領軍大將軍寧 塞郡公	同	同
李國昌	沙陀酋長朱邪執 宜子，本名赤心 。	朱邪	唐初	大同振武節度使	同	唐書沙 陀傳
李克用	國 昌 子	同		河東節度使晉王	同	同
李盡哥	契 丹 酋 長	大賀		松漠都督無極男	滿蒙 混血	唐書契 丹傳
李盡忠	窟 哥 孫	同		同	同	同
李失活	盡 忠 從 父 弟	同		同，松漠郡王	同	同
李娑固	失 活 弟	同		同 同	同	同
李愷干	娑 固 從 父 弟	同		同 同	同	同
李吐干	愷 干 弟	同		同 遼陽郡王	同	同
李邵固	盡 忠 弟	同		同 廣化郡王	同	同



李屈烈	爲部將可突干所擁立，叛唐。	同		同	同	同
李過折	斬可突干及屈烈，復來歸。	同		同 北平郡王	同	同
李懷秀	契丹大酋	同		同 崇順王	同	同
李可度者	奚酋長	未詳	唐初	饒樂都督樓煩縣公	同	唐書奚傳
李大酺	同	同		同 饒樂郡王	同	同
李魯盛	大酺弟	同		同 奉誠郡王	同	同
李詩	奚酋	同		同 歸義王	同	同
李延寵	詩子	同		同 懷信王	同	同
李婆固	奚酋	同		同 昭信王	同	同
李日越	同	同		同	同	同
李梅落	同	同	元和元年	歸誠郡王	同	同
李索氏	梅落部長，賜姓。	同	同	檢校游奕兵馬使	同	同
李沒辱孤	同	同	同	平州游奕兵馬使	同	同
李獻誠	黑水靺鞨酋長	未詳	開元十年	黑水都督	滿洲	唐書黑水靺鞨傳
李赤辭	黨項酋長	拓拔	貞觀中	西戎州都督	西藏	唐書西域傳上
李思恭	黨項平夏部首領	同		定難節度使夏國公	同	同

李思諫		思 恭 弟	同		同	同	同
李思孝		同	同		保大節度使	同	同
李思敬		思 孝 弟	同		同	同	同



女

季  
刊